



Kommunimut pilersaarutip 2017-2028-ip iluarsaanneqarnerani kommunimut pilersaarummi allannguutissatut siunnersuutit pillugit allakkiaq

Kommunimut pilersaarut atuuttoq 2011-2022 kommunit kattussuunneqarnerisa kingorna piffissami 2009-miit 2011-mut suliarineqarpoq aammalu Kommune Kujallermut nutaajusumut ataatsimoortumik kommunimut pilersaarutaalluni. Kommunimut pilersaarummi matumani kommunimut nutaamut takorluukkat, ilutsit pingaernerit aamma anguniakkat arlallit aalajangersarneqarput. Aammattaaq killiliussat pillugit aalajangersakkat sukumiisut (illoqarfinnut, nunaqarfinnut asimullu) kommunimut pilersaarutinit pingasuusunit ataatsimut kommunimut pilersaarutinnngortinneqarput.

Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersumi kommunimut pilersaarut ukiut sisamakkuutaarlugit nutarterneqartassasoq peqqussutaavoq (qinigaaffiusuni tamani) aamma kommunimut pilersaarutip iluarsaanneqannginnerani taanna qanoq iluarsaanneqassanersoq isummerfigineqassaaq http://inatsisit.gl/Lov?rid=%7b8DA79884-6A1B-4512-A5BE-E963287A2F51%7d&sc_lang=kl-GL Tamanna Kommune Kujalleq pillugu Pilersaarusionermmut periaasissat 2015-imik suliaqarnikkut pissaaq, taanna 2015-imi decembarip ulluisa 30-anni kommunalbestyrelsimit isumaqataaffigineqarpoq aamma kukkunersuisunit ”suliassaqarfinni pineqartuni kommunimut pilersaarummik ilaannakortumik iluarsaassinertut. Kommunimut pilersaarutip ilaa atoqqinneqartussanngorlugu saqqummiunneqassasumik” ilisarnaaserneqarpoq.

Allakkiami matumani kommunimut pilersaarummik iluarsiiisutissaattut siunnersuutini suliassaqarfiit oqaluuserisassanngortinneqarsimasut aamma Kommunimut pilersaarut 2011-2022-mut atuuttumut sanilliullugit annertuumik allannguuteqarsimasut nassuiaatigineqassapput. Tamatuma sanmiatigut illoqarfiit, nunaqarfiit asilu pillugit nassuiaatit nutarterneqarput.

1. **Anguniagassanik tamanik nutarterinerit**
2. **Qaqortup eqqaani nutaamik mittarfiliornissamik aalajangerneq malitsigisaanik pilersaarummut kingunerisassat**
3. **Nanortallip, Narsap aamma Alluitsup Paata eqqaani timmisartunut suluusalinnut mittarfissat**
4. **Qaqortup eqqaani nunaminertaq appakaaffigeqqusaanngitsoq pillugu aalajangersakkanik sakkukillisaanermi pilersaarummi**
5. **Qaqortumi ikuallaavissap nutaap inissinneqarnera**
6. **Savaateqarfinnut nunaminertanik nutaanik atugassiinerit**
7. **Asimi illioaqiortiternissanut periarfissaqarnerulernerit**
8. **UNESCO-p nunarsuarmioqatigiinnut kingornussassarsiarititaatut toqqarneqartut pillugit aalajangersakkat ilanngunneqarnerat**
9. **Immikkoortut ilaannik tamanik nutarterinerit.**



1. Anguniagassanik tamanik nutarterinerit

Kommune Kujallermut kommunimut pilersaarut kommunimut pilersaarutaavoq ”annertoq”, aammalu kommunimi ingerlatsivinni suliaasaqarfinit tamanit aallaaveqartoq. Pilersaarusiornermut periaasissat 2015-imik suliaqarnermi suliaasaqarfinni ataasiakkaani anguniagassat ingerlatsivinni ataasiakkaani sulisut aamma - ataatsimiitat suleqatigalugit pisumi piartornerit aamma suliaasaqarfinni politikkit nutaat aamma kommunalbestyrelsimi isumaqataaffigineqarsimasunut naapertuuttunngorlugit nutarterneqassapput. Taamatuttaaq kommunimut pilersaarummi iluarsaassineq iluatsillugu annikitsumik nutarterisoqarsimavoq.

Anguniagassat uani takukiit: <http://kujalleq2017.odeum.com/gl/anguniakkat/anguniakkat.htm>

2. Qaqortup eqqaani nutaamik mittarfiliornissamik aalajangernerup malitsigisaanik pilersaarummut kingunerisassat

Kommunimut pilersaarut 2011-2022-imi aamma mittarfittaassap inissaanut tassunga nunaminertamik inniminniinissaq ilanngunneqarsimavoq, aamma Qaqortup eqqaani sumiiffimmi maannakkut pineqartumi mittarfiliornissaq pillugu aalajangiinerit kingulliit ilanngunneqarput. Kukkunersiunerimi matumani mittarfissap sammivissaa annikitsumik iluarsineqarpoq. Nunaminertamik inniminniinerimi tassani mittarfik suli 2200 meterinngortinneqarsinnaavoq, taamaalillunilu mittarfimmut 1500 meterisut takitigisumut sanilliullugu eqaassuseqassaaq kommunimut pilersaarummi tassani naatsorsuutigineqartut takissuseqassalluni. Mittarfissap, illorsuup aallariartortaffissap, teknikkikkut atortulersuutit il.il. ilusilersorneqalerpata kommunimut pilersaarummut tapiliussaliortoqassasoq imaluunniit mittarfissaq pillugu nuna tamakkerlugu pilersaarusiornissamut peqqussusiortoqarnissaa naatsorsuutigineqassasoq aalajangerneqarpoq.

Mittarfissamut nunaminertamik inniminniineq uani takuuk:

http://kujalleq2017.odeum.com/dk/byer_og_bygder/delomraadeplaner/vedtaget/200-e8.htm

2016-imi Qaqortumiit mittarfeqarfissap tungaanut sulisunut aqquserniortoqarpoq. Mittarfiliornermi aqqusineq taanna naammassineqareertussaavoq. Mittarfik aqquserngalu iluaqutigalugit qeqertaasami Qaqortumi ineriartortsitsinissaq nutaanik periarfissaqalissaaq.

Taamaattumik Iterlaap kangerliumarngani nunaminertat ataatsimut siunertanut atugassiissutigineqarput (200-C10), assersuutigalugu takornarianut pulaartarfiit, inissiat sullissiviillu. Sumiiffiup taamaatut isikkoqartiinnarneqarnissaanut tunngatillugu nunaminertat manna tikillugu atugassiissutigineqareersut suli sunngiffimmi illuaqqiorfigineqanngillat:

Iterlammi ataatsimut siunertaqarfiusoq uani takuuk:

http://kujalleq2017.odeum.com/gl/illoqarfiit_nunaqarfiillu/delomraadeplaner/vedtaget/200-c10.htm

Taamatuttaaq mittarfeqarfissap kujataa tungaani inuussutissarsiuteqarfik nutaaq suliffeqarfinnut mittarfimmut qanittumiittariaqartunut atugassiissutigineqarpoq (sullissineq, nunanut allanut niuiernermik inuussutissarsiuteqartut il.il.).

Mittarfissap eqqaani sumiiffik uani takuuk:

http://kujalleq2017.odeum.com/gl/illoqarfiit_nunaqarfiillu/delomraadeplaner/vedtaget/200-b11.htm



Mittarfik aqquuserneerlu nutaaq qeqertaasami Qaqortumi sumiiffinnut tikikkuminarsaataassapput taamaalillunilu illoqarfiup qanigisaani sunngiffimmi illuaqqiortiternissaq soqutigineqalersimavoq. Taamaattumik nunaminertat suli marluk Eqalugaarsuit Akunnaallu eqqaanniittut sunngiffimmi illuaqqiorfissatut atugassiissutigineqarput.

Nunaminertat sunngiffimmut siunertaqartinneqartut uani takukkit: (innersuussaq kingusinnerusukku takkutissaaq)

Kiisalu mittarfiup nutaap ineriartortitsinissanut tunniussinnaasai eqqarsaatigalugit qeqertaasami Qaqortumi ineriartortitseqqinnissamik isummersuutiniq saqqummiussisoqarpoq (aalajangersakkat pituttuisuunngitsut). Titartakkat mittarfimmut aqquuserngup Nuupiluup tungaanut tallineqarnissaa aamma Nuupiluup eqqaani umiarsualiviliornissaq, ilaatigut Narsamukaasisartussanut ilaatigullu Qaqortumut oqililisaataasussamik, naatsorsuutigalugit titartagaapput. Taamatut umiarsualiviup timaani inuussutissarsiutinut umiarsualivimmut tunngassuteqarnerusunut inuussutissarsiuteqarfiit annertunerusut atugassiissutigineqarsinnaaput (aalisakkerivik, illorsuaq containeriisivik il.il.). Titartakkat tamakku sammisaq pillugu nunap assingani takutinneqarput:

Illoqarfiup ineriartortinneqarnissaanut sammisaq pillugu soqutigisaqatigiit nunap assiutaat uani takuuk: ((link kommer senere))

3. Nanortallip, Narsap aamma Alluitsup Paata eqqaani timmisartunut suluusalinnut mittarfissat

Nanortallip aamma Narsap eqqaani timmisartunut suluusalinnut mittarfiliornissamut aalajangernermi kommunimut pilersaarummik matuminnga iluarsaassineq iluatsillugu nunaminertanik inniminniinerit Komunimut pilersaarut 2011-2022-imut ilanngunneqareersimasut allangortinneqanngillat. Kommunimut pilersaarummi matumani Narsap eqqaani sumiiffimmi aqqusineqareerpoq (Pointen), kisianni kommunimut pilersaarummut matumunnga Nanortalimmiit avannarpasinnerusumi mittarfiliornissamut aqquserniornissamut inniminniineq ilanngunneqarpoq, taamaalilluni piffissap pilersaarusiortifusup matumap aallartinnerani aqquserniortoqalereersinnaalerluni.

Nanortallip Narsallu eqqaani mittarfissat uani takukkit:

Alluitsup Paata eqqaani mittarfissap inissinneqarnissaanik suliaq maannakkut siuarsimavallaanngilaq, taamaattumik nunaminertamik inniminniineq ilanngunneqarsinnaavoq. Inissiiffissamut periarfissat takkuppata kommunimut pilersaarummut tapiliussaliortoqassaaq.

4. Qaqortup eqqaani nunaminertaq appakaaffigeqqusaanngitsoq pillugu aalajangersakkanik sakkukillisaanermi pilersaarummi kingunerisassat

Qaqortup eqqaani imeqarfiup eqqaani nunaminertaq appakaaffigeqqusaanngitsoq pillugu aalajangersakkat ukiopassuarni sakkukillisaarnarneqareersut, taamaalillunilu Qaqortup ilaata tamassuma ineriartortinneqarnissaanut ammaassisoqarluni, 2016-imi aasakkut nutaamik



nalunaarusiortoqarpoq. Nalunaarutip nutaap malitsigisaanik sumiiffinni tamani 2016-imi aasakkut nunaminertap appakaaffigeqqusaanngitsup iluani nunaminertani tamani sanaartortoqarsinnaajunnaarnera nalunaarut naapertorlugu nutaanik sanaartortoqarsinnaalersillugu aalajangersagangorlugu allangortinneqarsinnaavoq. Nunaminertap appakaaffigeqqusaanngitsup iluani nunaminertat tamarmik iluarsaassinermi matumani nalunaarummut innersuussisunngorlugit allangortinneqarput. Tamanna sumiiffinnut tullinnguuttunut makkununga immikkut pingaaruteqassaaq:

200-B4: Mestervejimi inuussutissarsiuteqarfik:

Nunaminertaq siusinnerusukkut inuussutissarsiuteqarfiujunnaarsinneqartussaasoq maannakkut inuussutissarsiuteqarfittut ineriartorteqqinneqarsinnaalerlugu allangortinneqarpoq, taamaalilluni illunik ilaserusuttut allanguerusuttullu taamaalorsinnaalerlutik. Kisiannili nalunaarummut 2020 naatinnagu nunap qaavata erngata kuuffissaanik kussiortoqarnissaa pillugu aalajangersakkamik ilangussisoqarpoq.

200-A10: Højskolep kangia'tungaani inissiaqarfik nutaaq:

Nunaminertaq appakaaffigeqqusaanngitsup pillugu aalajangersakkanik iluarsaassisoqarpat aatsaat nunaminertaq atorpeqalersinnaavoq. Taamaalilluni inissianik 60-it tikillugit amerlassusillinnik inissialiortoqarsinnaalerpoq (pukkitsut imminnullu qanittut). Aammattaaq sumiiffimmi Qaavanik oqilisaataasumik aqquserniortoqarsinnaavoq.

Nunaminertami appakaaffigeqqussaanngitsumi nunaminertat tamarmik sanaartorfigineqareerput; kisianni tassanga iluarsaassinikkut siusinnerusukkut ajornavissorsimasunik allangortiteralunilu alliliortortoqarsinnaalerpoq.

5. Qaqortumi ikuallaavissap nutaap inissinneqarnera

Qaqortumi ikuallaavik nungullarsimavoq taamaattumillu kommunimi nutaamik ikuallaaviliortoqarnissaa pillugu sulisoqarpoq. Eqqagassalerinerit tamaasa ineriartorteqqikkumallugit ikuallaavik eqqagassaleriffinnut allanut ataqatigiissillugu inissinneqaruni pitsaanerpaassaaq. Taamaattumik eqqaavissuaq pillugu killilliussatut aalajangersakkat allangortinneqarmata eqqaavissuarmut atatillugu ikuallaavimmik nutaamik aamma inissiisoqarsinnaavoq.

Eqqaavissuaq pillugu aalajangersakkat uani takukkit:

http://kujalleq2017.odeum.com/dk/byer_og_bygder/delomraadeplaner/vedtaget/200-e5.htm

6. Savaateqarfinnut nunaminertanik nutaanik atugassiinerit

Ukiuni kingullerni Kommune Kujallermi nunalerinerup annertusarneqarnissaanut politikkikkut soqutiginnittoqaleriartorsimavoq. Taamaattumik Nunalerinerimut Sinnersortit suleqatigalugit kommunimut pilersaarummik matuminnga iluarsaassinermi nunalerisut qulingiluat pilersitsiffigisinnaasaat toqqarneqarsimapput. Ilaatigut savaateqarfikut pilersitseqqiffiusinnaasut aamma sumiiffiit nutaat pineqarput. Sumiiffiit tassaapput:

M41 Qajiitaaq (Qajuutaaq)

M42 Ipiutaaq (2)



M43 Pullatit
M44 Meqqutoqqat
M45 Qolortorsuaq (matuneqarsimasoq/nutaaq)
M46 Ukkusip Saqqaa
M47 Nipisat
M48 Tasiusaarsuk
M49 Nalasut (kitaa)

Savaateqarfiit tamaasa uani takukkit:

http://kujalleq2017.odeum.com/gl/det_aabne_land/dyrehold_og_jordbrug/delomraader/

7. Asimi illioaqqiortiternissanut periarfissaqarnerulernerit

Kommunimut pilersaarummi atuuttumi asi pillugu aalajangersakkat malitsigisaannik illuaqqat nunaminertanut immikkut toqqarneqarsimasunut inissinneqarsinnaapput. Tassa imaappoq illuaqqat soqutigisanut allanut aporaassutaanngitsut kommunimit itigartitsissutigineqartut; taamaallaalli asi pillugu aalajangersakkanut killilersuisorujussuarnut tunngatillugu. Taamaattumik iluarsaassinermi matumani asimi ataasiakkaanik illuaqqiornissat ammaanqarnissaat siunnersuutigineqarpoq. Kisianni sumiiffimmi ataatsimi illuaqqat ataatsimoortut sumiiffinni immikkut ittumik toqqakkaniiginnassapput.

Asimi illuaqqat pillugit aalajangersakkat nutaat uani takukkit:

http://kujalleq2017.odeum.com/gl/illoqarfiit_nunaqarfiillu/delomraadeplaner/vedtaget/o1.htm

http://kujalleq2017.odeum.com/gl/illoqarfiit_nunaqarfiillu/delomraadeplaner/vedtaget/o3.htm

8. UNESCO-p nunarsuarmioqatigiinnut kingornussassarsiarititaatut toqqarneqartut pillugit aalajangersakkat ilanngunneqarnerat

2016-imi januaarimi Kommune Kujalleri sumiiffiit toqqakkat tallimat UNESCO-p nunarsuarmioqatigiinnut kingornussassiarititassaasa allattorsimaffiannut ilanngunneqartussat qinuteqaat UNESCO-mut nassiuqqarpoq. 2016-imi juulimi nalunaarut nr. 16, Kalaallit Nunaata Kujataani nunaminertani killilinni kulturikkut oqaluttuarisaanermut ilaasumi allatigut kulturikkut eriagissat pillugit Namminersorlutik Oqartussat nalunaarutaat nr. 16, 5. juuli 2016-imeersoq Naalakkersuisunit isumaqataaffigineqarpoq. Nalunaarut taanna Qassiarsummi, Igalikumi asimilu sumiiffiit tallimat taakku attorneqartut pillugit tunngaviummik aalajangersakkani kommunimut pilersaarummik iluarsaassinermut siunnersuutinut ilanngunneqarpoq.

Nalunaarut uani takuuk: <http://lovgivning.gl/lov?rid={743F7122-CBD0-465B-A2BE-F5F0DA37B299}>

Qassiarsuk uani:

http://kujalleq2017.odeum.com/gl/illoqarfiit_nunaqarfiillu/redegoerelse/qarssiarsuk.htm

Igaliku uani:

http://kujalleq2017.odeum.com/gl/illoqarfiit_nunaqarfiillu/igaliku/delomraader/



9. Immikkoortut ilaannik tamanik nutarterinerit.

Kommunimut pileraarut kommunimi nunaminertanut tamanut aalajangersakkanik imaqarpoq – illoqarfinni, nunaqarfinni aamma asimi. Immikkoortut ilaat pillugit aalajangersakkat tamarmik misissorneqareerput aamma atuinerit, inissaqassuseq atuinissamullu periarfissat nutaat naapertorlugit nutarternneqarlutik.

Illoqarfinni nunaqarfinnilu immikkoortut ilaat pillugit aalajangersakkat tamaasa uani takukkit:

http://kujalleq2017.odeum.com/gl/illoqarfiit_nunaqarfiillu/illoqarfiit_nunaqarfiillu.htm

Asimi immikkoortut ilaannut tamanut aalajangersakkat tamaasa uani takukkit:

http://kujalleq2017.odeum.com/dk/det_aabne_land/

Suliarinnittoq:

Qaqortoq, 1/11 2016

Birger Lilja Kristoffersen

Pilersaarusiornermut pisortaq

Teknik & Miljø

Kommune Kujalleq